



Inatsisartunut Ilaasortaq
Steen Lynge, Demokraatit

Pinnngortitami mikroplast pillugu §37 naapertorlugu nr. 81-2019 apeqqutinut akissut

Brevdato: 14-02-2019
Sagsnr.: 2019 - 3672
Akt-id: 10013001

Asasara Steen Lynge

Postboks 1614
3900 Nuuk

Naalakkersuisunut 5. februar 2019 pinnngortitami mikroplast pillugit
apeqquteqarputit.
Apeqqutit uannut akisassanngortinneqarput.

Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

1. Naalakkersuisut qanoq politikkeqarpat pinnngortitami mikroplastip akiornissaanut?

Plastikkimik mingutsitsineq pinnngortitamut immamilu avatangiisinut
ajornartorsiortitsivoq. Ilisimatusarnermi paasineqarsimavoq eqqakkat Kalaallit
Nunaata sineriaanut pisartut 80 %-ii plastikkisut. Ilisimatusarnermittaaq
paasineqarsimavoq eqqakkat amerlanersaat sumiiffiit eqqaanneersuusartut,
ikinnerusullu allameersuusarlutik.

2017-imi Inatsisartut imaani avatangiisit pillugit nutaamik inatsisiliorput
Kalaallit Nunaata imartaani avatangiisit illersorneqarnissaat anguniarlugu.
Folketing-imitaaq 2017-imi nutaamik inatsisiliortoqarpoq Kalaallit Nunaanni
killeqarfik aningaasatigut akisussaassuseqarfiusup illersorneqarnissaanut
tunngasumik. Inatsisit taakku marluk avatangiisillu
innarlitsaaliorneqarnissaannik Inatsisartut inatsisaat 2011-meersoq
tunngavigalugit nunami imaanilu suliit mingutsitsiffiusut inatsisitigut
malittarisassaqarput. Naalakkersuisut misissussavaat pinnngortitami plastikkimik
mingutsitsinerup millisarnissaanut allanik suliniuteqartoqarnissaanik
pisariaqartitsisoqarnersoq.

Naalakkersuisuninngaanniit FN-imit piujuaannartitsinissaq pillugu anguniakkat
ukktarineqarput. Anguniakkani 17-iusuni ataaseq immami uumassusilinnut
attuumassuteqarpoq. Immaqami avatangiisinut inatsimmi 2017-imeersumi FN-ip
piujuaannartitsinissaq pillugu immami avatangiisinut mingutsitsinermi,
mikroplast ilanngullugu, killinersuisoqarnissaanut anguniagassamut
attuumassuteqarpoq.

Naalakkersuisut 2019-imi innuttaasut, suliffeqarfiit kommunillu
kaammattorniarpaat Avatangiisinut Aningaasaateqarfimmut qinnuteqaqqullugit,
suliniutinut aningaasaliiffineqarsinnaasunut, plastikkimik atuinerup
millisarnissaanut atoqqinermullu tunngasunik, tassunga ilaasinnaallutik

innuttaasut suliffeqarfiillu avatangiisinut mianerinnittumik pissuseqalernissaannut suliniutinut tunngasut. Suliniutinut qassutikunik aalisarnermilu atortunik allanik qimaannakkanut, aalisarfiillu piniarfiillu saligaatsuutinnissaannut tunngasunut, tassunga ilaasinnaallutik innuttaasut suliffeqarfiillu avatangiisinut mianerinnittumik pissuseqalernissaannut suliniutinut, Avatangiisinut Aningaasaateqarfimmit 2019-imi aningaasaliisoqarsinnaavoq. Suliniutinut taamaattunut 2.000.000 kr. immikkoortinneqarput.

2. Naalackersuisut qanoq politikkeqarpat angerlarsimaffimmi pissarsianik atuinnermut atatilugu mikroplastip akiornissaanut?

Naalackersuisut kommunit suleqatigalugit nuna tamakkerlugu eqqakkat isumagineqarnissaannik sulissuteqarput ikuallaavinnik angisuunik marlunnik nuna tamakkerlugu atorineqarsinnaasunik, eqqakkat nunatsinneersut tamarmik isumannaatumik isumagineqarsinnaasunngorlugit. Naalackersuisut eqqakkat eqqaavissuarni qimaannarneqartannginnissaat suliniutigaat, eqqaavissuarninngaanniit teqqarlutik ilaatigut imaani mikroplast-inngorsinnaammata.

3. Naalackersuisut qanoq politikkeqarpat illoqarfinni nunaqarfinnilu minguviaavinnik imaluunniit imermut salivinnik pilersitsinissamut tunngatillugu?

Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq illoqarfinni nunaqarfinnilu erngup errortuivikup kuutsinneqartarneranut tunngatillugu piunasaqaateqarpoq. Nalunaarummik suliaqarnermi siunnersuutigineqarpoq Kalaallit Nunaanni imeq errortuivikoq maskiinat atorlugit salinneqartalissasoq, erngup errortuivikup uumassusilinnit igitanit naggorissaatinillu salinneqarnissaa pinnagu. Illoqarfinni nunaqarfinnilu imermik errortuivikumik eqqaanermut nutaanik akuersissusiornerni, erngup errortuivikup immamut kuutsinneqannginnerani maskiinat atorlugit saleqqaarneqartarnissaanik piunasaqartoqartarpoq. Maskiinat atorlugit imermik errortuivikumik salinermi plastikkitt immamut iginneqartartut annikillisinneqartarput.

Pinngortitamut, Avatangiisinut Ilisimatusarnermullu Naalackersuisoqarfimminngaanniit kommunit imermik errortuivikumik suliaqarnissamut tunngatillugu oqaloqatigilluarneqarput, kommunillu imermut errortuivikumut tunngatillugu nalunaarusiortoqarnissaanik suliaqartoqarnissaanut peqataarusullutik. Imeq errortuivikup pillugu suliaqartarneq ukiumut avatangiisinut ulloqartitsinermi sammineqakkajuttarpoq, avatangiisinullu ulloqartitsineq kommunit aammalu Pinngortitamut, Avatangiisinut Ilisimatusarnermullu Naalackersuisoqarfimminngaanniit ataatsimiinneruvoq, tassanilu avatangiisinut tunngatillugu iliuuserineqartut suleqatigiinnerlu eqqartorneqartarlutik.

4. Naalackersuisut tigussaasunik sunik pilersaaruteqarpat eqqarsaatigalugu imermut salivinnik pilersitsinissaq, angerlarsimaffinni pissarsianik atuinnermeersup mikroplastip pinngortitamut minngutsitsinnginnissaa pinngitsoortikkumallugu? Naalackersuisut tigussaasunik pilersaaruteqarpat tassunga atatillugu nassuiaqquneqarpoq suliniutinut suut


**pineqarnersut aamma taakku suliniutit qaqugu
piviusunnngortinneqassamaarnersut?**

Akissut 3 takuuk.

**5. Suliamut tunngasunik allanik soqutiginaatilinnik naalakkersuisut
paasissutissiisinnaappat?**

Aviisimi AG-mi allaatigisara 6. februar 2019-imeersoq innersuussutigaara.

Inussiarnersumik inuulluaqqusillunga
Med venlig hilsen



Erik Jensen



05. Februar 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit:

- 1. Naalackersuisut qanoq politikkeqarpat pinngortitami mikroplastip akiornissaanut?**
- 2. Naalackersuisut qanoq politikkeqarpat angerlarsimaffimmi pissarsianik atuinnermut atatilugu mikroplastip akiornissaanut?**
- 3. Naalackersuisut qanoq politikkeqarpat illoqarfinni nunaqarfinnilu minguviaavinnik imaluunniit imermut saliivinnik pilersitsinissamut tunngatillugu?**
- 4. Naalackersuisut tigussaasunik sunik pilersaaruteqarpat eqqarsaatigalugu imermut saliivinnik pilersitsinissaq, angerlarsimaffinni pissarsianik atuinnermeersup mikroplastip pinngortitamut minngutsitsinnginnissaa pinngitsoortikkumallugu? Naalackersuisut tigussaasunik pilersaaruteqarpat tassunga atatilugu nassuiaqquneqarpoq suliniutit suut pineqarnersut aamma taakku suliniutit qaqugu piviusunngortinneqassamaarnersut?**
- 5. Suliamut tunngasunik allanik soqutiginaatilinnik naalackersuisut paasissutissiisinnaappat?**
(Inatsisartunut ilaasortaq Steen Lyngø, Demokraatit)

Tunngavilersuut

Kalaallit Nunaat iliuseqarnissaminut akisussaaffeqarpoq.

Misissueqqammernermi ilisimatuut Danmarkimi, Sverigemi aamma Norgemi universiteteersut, aamma illoqarfinni Sisimiuneersut Ny Ålesundimeersullu taamatullu qeqertani Svalbardineersut nalunaarsorsimavaat imikoq annertuumik mikroplasteqartoq.

Sisimiuni ilisimatuut misissorpaat puilasut isuini imikup kuuffiisa marluk katersuuffii imaanut anngutinnginnerminni taamatullu aamma Ulkebugtenimi. Ilisimatuut paasivaat imikumi mikroplasteqartoq annertuupilussuarmik ilaatigut angerlarsimaffinni errorsivinnersoq.

Kalaallit Nunaanni imikoq imaanut toqqaannartumik kuutsinneqartarpoq, imermut minguviaaveqanngimmat imikumik saliiviusinnaasunik taamaattumik pinngortitamut imikoq kuutsiinnarneqartarpoq. Minguviaaveqarnissaq piumasaqaataannngilaq immikkoortuni nutaani sanaartorfiusuni.



DEMOKRAATIT DEMOKRATERNE

Mikroplast annertuupilussuaq angerlarsimaffimmi pissarsianik atuinermesooq imaanut kuutsiinnarneqartarpoq uumasunut ajoqutaaqisumik. Tamanna naggataatigut innuttaasut peqqissusaannut sunniuteqartarpoq. Taamaattumik allanngortittariaqarparput.

Kalaallit Nunaata perruualaarutigisarpaat pinngortitaq ataqqillugu inuugatta. Pissusilersuutittali ajoraluartumik takutippaa taamaattoqanngitsoq. Kommunit tunngaviusumik pilersaarusiaangamik minguviaaviit ilanngunneq ajorpaat, isumaqaramik " imaani sarfaq kuutsitsivissami sakkortoorujussuusoq taamaasillunilu kutsitsinermi mingutsitsineq millisarneqarumaartoq." Kalaallit Nunaat akisussaaffeqarpoq aamma akisussaaffini piviusunngortittariaqarpaa pinngortitarlu eriagalugu. Taamaattumik imikumut kuuffeqarfinni imermut minguviaaveqarnissaa piumasaqaataasariaqarpoq.

Kissaatigaara apeqqutikka akineqassasut ullu tsulliviit qulit ingerlanerini.